

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Breviarium Einsidlense - Cod. Ettenheim-Münster 38**

**[S.l.], 1788**

Die 26. Maii. S. Augustini ep. conf. et anglorum apostoli. Oratio

[urn:nbn:de:bsz:31-108133](https://nbn-resolving.org/urn:nbn:de:bsz:31-108133)



76.

Gregorium Confessorem tuum atque Pontificem, pro tuenda Ecclesiæ libertate virtute constantiæ roborasti: da nobis eius exemplo et intercessione, omnia adversantia fortiter superare. Per Dnum.

In II. Noct. Lectio V.

Gregorius Papa septimus antea Hildebrandus Soanæ in Etruria natus, doctrina, sanctitate, omnique virtutum genere apprime nobilis, mirificè universam Dei illustravit Ecclesiam. Cùm parvulus ad Fabri ligna edolantis pedes, adhuc litterarum inscius, luderet, ex reiectis tamen segmentis illa Davidici elementa oraculi: Dominabitur à mari usque ad mare, casu formâsse narratur, manum pueri ductante Numine, quo significaretur, eius fore amplissimam in mundo

*auctoritatem. Romam deinde profectus,  
 sub protectione Sancti Petri educatus est.  
 Iuvenis Ecclesiae libertatē à laicis pressā,  
 ac depravatos Ecclesiasticorum mores ve-  
 hementiùs dolens, in Cluniacensi Monaste-  
 rio, ubi sub Regula Sancti Patris Benedicti  
 austerioris vitæ observantia eo tempore —  
 maximè vigeat, Monachi habitum induens,  
 tanto pietatis ardore Divinæ Maiestati de-  
 serviebat, ut à cunctis eiusdem Cœnobii Pa-  
 tribus Prior sit electus.*

*℞. Inveni David servum meum, oleo sanc-  
 to meo unxi eum: \*Manus enim mea auxi-  
 liabitur ei. ✕. Nihil proficiet inimicus in eo,  
 et filius iniquitatis non nocebit ei. \*Manus.*

### LECTIO VI.

*Sed Divinâ Providentiâ maiora de eo dis-*

ponente in salutem plurimorum Cluniaco  
 eductus Hildebrandus, ac postmodum Roma-  
 nae Ecclesiae Cardinalis creatus, sub summis  
 Pontificibus Leone nono, Victore secundo,  
~~Stephano nono, Nicolao secundo,~~  
 Stephano nono, Nicolao  
 secundo, et Alexandro secundo praecipuis  
 muneribus et legationibus perfunctus est,  
 sanctissimi, et purissimi consilii vir à beato  
 Petro Damiani nuncupatus. A Victore Pa-  
 pa secundo Legatus à latere in Galliam  
 missus, Lugduni Episcopum simoniaca labe  
 infectum ad sui criminis confessionem mi-  
 raculo adegit. Berengarium in Concilio –  
 Turonensi ad iteratam haereseis abiurationem  
 compulit. Cadolai quoque schisma sua vir-  
 tute compressit.

Rx. Posui adiutorium super potentem, et

*exaltavi electum de plebe mea: \* Manus enim mea auxiliabitur ei. V. Inveni David servum meum, oleo sancto meo unxi eum. \* Manus.*

### Lectio VII.

*Mortuo Alexandro secundo, invitus, et moerens unanimi omnium consensu, decima Kalendas Maii anno Christi Millesimo septuagesimo tertio Summus Pontifex electus, sicut sol effulsit in domo Dei; nā potens opere et sermone Ecclesiasticæ disciplinæ reparandæ, fidei propagandæ, libertati Ecclesiæ restituendæ, extirpandis erroribus, et corruptelis tanto studio incubuit, ut ex Apostolorū ætate nullus Pontificum fuisse tradatur, qui maiores pro Ecclesia Dei labores, moles-*

tiásque pertulerit, aut qui pro eius libertate  
 acriùs pugnaverit. Aliquot Provincias à si-  
 moniaca labe expurgavit. Contra Henrici  
 Imperatoris impios conatus, fortis per om-  
 nia Athleta impavidus permansit, seque pro  
 muro Domui Israël ponere non timuit, ac  
 eundem Henricum in profundum malorum  
 prolapsum Fidelium <sup>populos</sup> communionem regnóque  
 privavit, atque subditos, fide ei datâ liberavit.

Rx. Iste est, qui ante Deum magnas virtu-  
 tes operatus est, et omnis terra doctrina ei⁹  
 repleta est: \* Ipse intercedat pro peccatis  
 omnium populorum. & Iste est, qui contem-  
 plit vitam mundi, et pervenit ad cœlestia  
 regna. \* Ipse.

### Lectio VIII.

Dum Missarum solemnia perageret, visa est

viris piis Columba è caelo delapsa humero-  
 eius dextro insidens alis extensis caput ei  
 velare, quo significatum est, Spiritûs Sanc-  
 ti afflatu, non humanæ prudentiæ rationibꝫ  
 ipsum duci in Ecclesiæ regimine. Cùm ab  
 iniqui Henrici exercitu Romæ gravi obli-  
 dione premeretur, excitatum ab hostibus in-  
 cendium signo crucis extinxit. De eius ma-  
 nu tandem à Roberto Guiscardo Duce Nort-  
 manno ereptus, Cassinum se contulit: atque  
 inde Salernum ad dedicandam Ecclesiam  
 Sancti Mathæi Apostoli contendit. Cùm ali-  
 quando in ea civitate sermonem habuisset,  
 ad populum, ærumnis confectus in morbum  
 incidit, quo se interiturum præscivit. Postre-  
 ma morientis Gregorii verba fuere: Dilexi  
 iustitiam, et odivi iniquitatem, propterea mo-

rior in exilio. Innumerabilia sunt: quæ  
 vel fortiter sustinuit, vel multis coactis-  
 in Urbe Synodis sapienter constituit, Vir  
 verè Sanctus, criminum vindex, et acerrimus  
 Ecclesiæ defensor. Exactis itaque in  
 Pontificatu annis duodecim migravit in  
 cœlum anno salutis Millesimo octogesimo  
 quinto, pluribus in vita et post mortem mira-  
 culis clarus; eiusque sacrum Corpus in Ca-  
 thedrali Basilica Salernitána est honorifi-  
 cè cõditum.

℞. Iustum deduxit Dominus per vias  
 rectas, et ostendit illi regnum Dei, et de-  
 dit illi scientiam Sanctorum: \* Honestavit  
 illum in laboribus suis. &. Custodivit eum  
 ab inimicis, et à seductoribus tutavit illū.  
 \*Honestavit. &. Gloria. \*Honestavit.

*In III. Nocturno Homilia in Evangel: Vigilate.  
Missa Statuit. cum Evangelio Vigilate.*

---

Die 6. Iunii.

S. Claudii Ep. et Conf.

Oratio.

Omnipotens sempiterne Deus, qui es Sancto-  
rum tuorum splendor mirabilis, qui que  
hodierna die beatum Claudium Confessorē  
tuum atque Pontificem æternæ beatitudinis  
gloriâ sublimasti: concede propitius; ut cuius  
merita veneramus in terris, intercessionis -  
eius auxilio apud tuam misericordiam mu-  
niamur in coelis. Per Dominum.

*Missa Sacerdotes tui. de Commu: Conf. Pont.*

---

Die 10. Iunii.

*In Felto S. Margaritæ Vid. Scotorum Regi-  
næ ad Octavam Lectionem sequentia addantur:*